


Politenica Dionysii: Laurus viscosa dum d. Laurus.
hinc Jemiozkowie facies Academicos numerat

PANEG. et VITAE

Polon. Fol.

№ 1247.



L A V R V S V I R E S C E N S

D M

CLARISSIMVS ET EXCELLENTISSIMVS DOMINVS

D. L A V R E N T I V S

S M I E S Z K O W I C Z

PHILOSOPHIÆ & MEDICIÆ DOCTOR, ACADEMIÆ CRAC:

P R O C A N C E L L A R I V S

Fasces Academicos, ex vnanimi Criss. DD. Electorum consensu delatos,

In felicissima RECTO. ATVS Sui inauguratione,

Pridie Non: Maij, anno Domini 1645. sumeret,

In debitæ obseruantia & artis Macenatis Optimi Symbolum,

A M. DIONYSIO POLITOWICZ, Colleg. Minor. Professore

E X H B I T A.

OD E

T R I C O L O S T T R A S T R O P H O S.



ECTOR POLI, qui vota regis manu,
Et nos salubris seria consill,
Prensare conamur vicissim,
Arbitrio cupidi subesse.
En nuncius se detulit omnibus,
Dum fama currens improperabilis:
LAVRENTIVS voto adprecatur
Eximios titulos prehendit.

O Phæbe splendens, ô Academiæ
Sydus coruscum, nobilis artibus,
Pennaque clarum Roma nouit,
Sarmatiæ Cynosura salue.
Assume tandem percelebris Craci
Festos honores, Pacis adorea,
Virtutis augustæ, & auitæ,
Consilij grauitate pollens.
Et mentis almo cuncta premas sinu,
Pruos seueris comprime legibus,
Sic & probos solers fouebis
Rector, in Officio reseruans.
Frustra proteruis vincula ponimus
Si nesciamus fræna licentiæ
Aptare; sic ambustus alto
Corruerat Phæton ab orbe.
Sed lege prauos vincimus inuidi,
Prudentis inter claustra modestiæ
Regnante virtutum cæterua,
Mens humilis fugiet tumultus.
Quis vnquam habenas ignibus ampliat
Naclerus quando per vada permeat,
Syrtesque præruptasque moles,
Et scopulos geminasque rupes.
Miratur omnis turba minor Tuam
Suadam disertam, non sine plausibus
Votisque & obtutu precatur
Viueræ sæcula: qui merendo

Et Regiarum lumina frontium
Mitrasque celsas, & diademata
Scientiarum remigante
Dotibus ingenioque lustras.
Arcana naturæ hauris & abditas
Causas recludis: quidquid in intimo
Natura seruauit recessu,
Et quid alat Patauinus amnis.
Stat impotentium turba cohortium
Suspirat ædes, dum Medici sui
Intrare prudentis, salutem ab
Arte bona recipit, triumphans.
Doctor Lycæi desine tristium
Nexum dolorum fundere, porriget
Dexteras manus, multos casuros
Dexteritate suâ iuuabit.
Vindex acerbi candidus ingenij
Fiet, quieti postulat entheam
Vim ferre, concors sit voluntas
Et soliti vigeant amores.
Summus ab alto prospiciet Tonans,
Dabit vigorem mentis ad ardua:
Non Te fatiges, prosperabit
Ipse Tui monumenta cæpti.
Insculpta cælo gloria personet
Lucens honesto fadere comitas,
Cultusque tranquillamque morum
Temperiem solidans in æuum.
LAVRVS virescat mercede Scientiæ
Labantis æui pondera fulciat.
Pronas ad occasum procellas
Ingenioque humerisque portet.
Et nos sub altis auspicijs Tuis
Sumamus inter turbida tempora
Latos dies, curæ recedant,
Pectora candidiora surgant.

21.639 III



